

Ժողովուրդ

110
(2960)

22 օգոստոսի հինգշաբթի 2024
տպագրության ԺԳ տարի

✉ ք. Երևան, Արուսյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԱՆՃՇՏՈՒԹՅՈՒՆՆԵՐ՝ ՀԱՅՏԱՐԱՐԱԳՐՈՒՄ



Կոտայքի մարզպետի կնոջ՝ Ռոզա Ասատրյանի հայտարարագրից տեղեկանում ենք, որ նա եւս պաշտոնատար անձ է համարվում վարչապետի աշխատակազմում:

Այստեղից հարց է առաջանում, թե ինչպե՞ս է Ռոզա Ասատրյանը միաժամանակ աշխատում մեկ պետական, երկու համայնքային եւ մեկ ՓԲԸ-ում, այն դեպքում, երբ օրենքը խստիվ արգելում է պետական ծառայողին որեւէ այլ տեղ աշխատել: Մարդը ֆիզիկապես եւս չի կարող միաժամանակ աշխատել չորս տարբեր աշխարհագրական գոտիներում:

Ուսումնասիրելով Ասատրյանի ներկայացրած հայտարարագիրը՝ նկատում ենք, որ նրա՝ հաշվետու տարվա եկամուտը կազմում է 4 մլն 291 հազար դրամ, որից 2 մլն 802 հազար դրամը վարչապետի աշխատակազմից ստացած աշխատավարձն է, 290 հազար դրամը՝ «Գառնիի կոմունալ տնտեսություն» ՀՈԱԿ-ից ստացած գումարը, 1 մլն 24 հազար դրամը՝ «Ծաղկահովիտ առողջության կենտրոն» ՓԲԸ-ից, իսկ 174 հազար դրամը՝ Կոտայքի մարզի Գառնիի համայնքապետարանի աշխատակազմից ստացած գումարը:

«Ժողովուրդ» օրաթերթը կապ հաստատեց Կոտայքի մարզի մարզպետ Ահարոն Սահակյանի հետ՝ հասկանալու համար՝ ինչպես է կինը միաժամանակ 4 աշխատավայրում աշխատում:

Վերջինս հորդորեց, որ մեր տեղեկությունը կրկին ճշտենք, քանի որ իր կինը աշխատում է տարածքային զարգացման հիմնադրամում:

Ճշտող հարցին, թե իր կինը միայն այնտեղ է աշխատում, մարզպետը պատասխանեց. «պայմանագրով՝ ոչ, կարծեմ՝ պայմանագրային այլ ծառայություններ էլ է մատուցում»:

Սահակյանը ասաց, որ մանրամասն չի տիրապետում հարցին, սակայն հավաստիացրեց, որ իր կնոջ գործում օրենքի խախտում չկա:

Քրական իշխանության միջին շինվածիկների փաստաթղթերի բովանդակությունը (տե՛ս ArmLur.am կայքում) վիճակագրորեն տարածելով որոշ կառավարության մասշտաբով՝ կստանանք արդեն հասնող, պետական կոռուպցիոն կայուն ինստիտուտ: Այսպես, Արագածոտնի փոխմարզպետ Միլադա Հովհաննիսյանը ներկայացնում է հայտարարագիր՝ նշելով, որ «Մերսեդես-Բենց» ավտոմեքենան ձեռք է բերել 01.01.2018 թվականին: Հաջորդ հայտարարագրով այդ նույն «Մերսեդես-Բենցի» ձեռքբերման տարեթիվը դառնում է 13.06.2019 թվականը (մոտ երկու տարվա շեղում), այս կեղծիքի նպատակները կարող են լինել մի քանիսը, որոնք, կարծում ենք, պետք է պարզեն իրավապահները, եւ ոչ թե լրագրողները: Ուսումնասիրում ենք Միլադա Հովհաննիսյանի եղբոր հայտարարագիրը. նա Արայիկ Հարությունյանի օգնականն է: Սուրեն Հովհաննիսյանը թե՛ ներկայացնում է համեստ՝ իսկը հեղափոխականի հայտարարագրած գումար՝ 4.9 միլիոն դրամ, սակայն, հանկարծ, հաջորդ տարի սույն պաշտոնյան ձեռք է բերում 30.5 միլիոն դրամով բնակարան Երևանում: Այստեղ պետք է հանուն արդարության նշել, որ Հովհաննիսյանը մյուս ՔՊ-ականների պես չի պահպանել ձեռական կողմը եւ չի արտացոլել ինչ-որ վարկ՝ իբրեւ գումարի ծագման աղբյուր: Առավել ուշագրավ է քույր ու եղբոր փոխկապակցված անձի՝ նրանց հոր՝ Սկրտիչ Հովհաննիսյանի հայտարարագիրը, ըստ որի՝ նա չունի ոչ մի լուրմ դրամական միջոց, ոչ մի լուրմ աշխատավարձ կամ շահաբաժին, սակայն վերջինիս ֆեյսբուքյան էջի փաստերը, որպես օրենքի տեսանկյունից «երրորդ անձից ստացված տեղեկություն», արձանագրում են՝ փոխմարզպետի եւ եղբոր՝ կառավարության պաշտոնյայի հայրը տիրապետում է լուրջ բիզնեսների, խոշոր արտադրության համափմնադիր է:

Մանրամասները՝ ArmLur.am կայքում:




Քրեական հեղինակություն Սերգեյ Գրիգորյանին՝ Ֆազին ազատ արձակելու համար կալանավորված եւ դատական քաջքույկների մեջ հայտնված դատավոր Արուսյակ Ալեքսանյանի հարցը հասել է Մարդու իրավունքների Եվրոպական դատարան: «Ժողովուրդ» օրաթերթին հայտնի դարձավ, որ իր նկատմամբ ապօրինի քրեական հետապնդման հարցով դատավոր Ալեքսանյանը դիմում է ներկայացրել ՄԻԵԴ: Նշենք, որ դատավոր Արուսյակ Ալեքսանյանը մեղադրվում է քննչական կոմիտեի տարածքային ստորաբաժանումներից մեկի վարույթում գտնվող քրեական վարույթով՝ իր եղբոր ընկերոջ եւ իր մտերիմ փաստաբան Էրիկ Ալեքսանյանի պաշտպանյալի նկատմամբ որպես խափանման միջոց կիրառված կալանքը գրավով փոխարինելու միջնորդությունն իրեն մակագրելու, ապա այն բավարարելու ուղղությամբ քայլեր ձեռնարկելու համար: Ըստ ԱՄԾ-ի առաջադրած մեղադրանքի՝ դատավոր Արուսյակ Ալեքսանյանը, ի վերջո, մեղադրյալ Սերգեյ Գրիգորյանի կալանքը փոխարինել էր գրավով: Եվս մեկ անգամ հիշեցնենք, որ Սերգեյ Գրիգորյանը բոլորին հայտնի Ֆազն է, որին սպանեցին այս տարվա հունիսի 11-ին, եւ գործի մեղադրանքով այսօր կալանավորված է Ռուստամ Ստեփանյանը՝ Չաղ Ռուստամը:



«Ժողովուրդ» օրաթերթը տեղեկացավ, որ այսօր ՀՀ կառավարության նիստում որոշվելու է ՀՀ Արագածոտնի մարզի Աշտարակ համայնքի Սասունիկ բնակավայրի վարչական սահմաններում գտնվող որոշ սահմաններ գերակա շահ ճանաչելու հարցը: «Ժողովուրդ» օրաթերթին հայտնի դարձավ, որ կառավարությունը նպատակ ունի Սասունիկ համայնքում հողերը վերցնել գյուղացիների ձեռքից եւ այնտեղ Ակադեմիական քաղաքի ծրագիրն իրականացնել: Պաշտոնական փաստաթղթերից տեղեկացանք նաեւ, որ հարցը զեկուցելու է ՀՀ ԿԳՄՍ նախարար Ժաննա Անդրեասյանը: Ըստ այդ նախագծի՝ Հայաստանի Հանրապետության կառավարության 2023 թվականի հոկտեմբերի 19-ի N 1802-Լ որոշմամբ հաստատված «Ակադեմիական քաղաք» ծրագրի (այսուհետ՝ ծրագիր) իրականացման նպատակով սույն որոշման NN 1, 2 եւ 3 հավելվածներում նկարագրված՝ Երեան քաղաքի եւ Հայաստանի Հանրապետության Արագածոտնի մարզի Աշտարակ համայնքի Սասունիկ բնակավայրի վարչական սահմաններում գտնվող որոշ տարածքների նկատմամբ ճանաչել հանրության գերակա շահ՝ հետեյալ հիմնավորումներով՝ ծրագրի իրականացման շահը գերակայում է օտարվող սեփականության սեփականատերերի շահերի նկատմամբ, քանի որ ծրագիրը միտված է տնտեսական կայուն եւ առաջընթաց զարգացման համար անհրաժեշտ պայմանների ստեղծմանը՝ ժամանակակից կրթական, հետազոտական եւ նորարարական գործունեությունը երաշխավորող միջավայր ստեղծելու միջոցով:

Մանրամասները՝ ArmLur.am կայքում:



ԶՐՈՒՅՑ

ՌԴ ԱԳՆ-Ի ՀԱՅՏԱՐԱՐՈՒԹՅՈՒՆՆԵՐԻ ՄԱՍԻՆ

ՌԴ ԱԳ նախարար Սերգեյ Լավրովը երեկ ասել է, որ Ռուսաստանի համար դժվար է հասկանալը, թե ինչու է Երևանը սաբոսաժի ենթարկում Սյունիքի մարզում հաղորդակցությունների աղաճառափակման վերաբերյալ դաշմանավորվածությունը:

Լավրովը նաև նշել է, որ Ռուսաստանը կողմ է խաղաղության պայմանագրի շուտափույթ կնքմանը, սակայն ինչը վերաբերում է Սյունիքի մարզի հաղորդակցություններին, ապա դրա համար, ցավոք սրտի, Հայաստանի ղեկավարությունն է սաբոտաժների ենթարկում պայմանավորվածությունը, որի ներքո ՀՀ վարչապետ Նիկոլ Փաշինյանի ստորագրությունն է:

Վերջինիս խոսքով՝ եռակողմ պայմանավորվածությունների «հիմքում դրվածն այսօր էլ մնում է լիովին արդիական»:

«Ժողովուրդ» օրաթերթն այս հարցով կապ է հաստատել քաղաքագետ Սուրեն Սուրենյանցի հետ:

Պարոն Սուրենյանց, Սերգեյ Լավրովի արած հայտարարություններն ի՞նչ են իրենցից ենթադրում, ի՞նչ են դրանք նշանակում:

«Այն՝ ինչ ասել է, ըստ էության... Ըստ ամենայնի, նա հասկացել է, որ Հայաստանը չի կատարել հայտնի եռակողմ հայտարարության 9-րդ կետը: Այստեղ, եթե մենք Լավրովից ներդրություն առիթ ունենք, դա միայն այն բանի համար, որ նա չի խոսել նաև Ադրբեյջանի պատասխանատվության մասին, քանի որ բազմաթիվ կետեր էլ Ադրբեյջանը չի կատարել, բայց այն, որ Հայաստանի իշխանությունը, ինչ-որ փուլից սկսած, որոշեց այդ 9-րդ կետը չկատարել, այդ մասին ես էլ 100 անգամ փաստել եմ, ավելին՝ նա գնաց Լոս Անջելեսի զոհաբերության ճանապարհով, որպեսզի, այսպես կոչված միջանցքային օրակարգը, տրամաբանությունից հանի, բայց ինչպես տեսանք՝ չհաջողեց:

Պարոն Սուրենյանց, Դուք էլ Ձեր խոսքում անդրադարձաք եռակողմ պայմանավորվածություններին, անգամ դրան է անդրադարձել Լավրովը: Արդյո՞ք շարունակում են արդիական մնալ այդ պայմանավորվածությունները:



«Ոչ թե արդիական են մնում, այլ ռուսական հարթակում բանակցություններ չկան, ես միայն այն փաստը, որ երեկ (խմբ.) Ալիևը համաձայնություն տվեց բանակցությունները շարունակելու ռուսական հարթակում, դեռ չի խոսում այն մասին, որ բանակցություններն այդ հարթակում վերսկսելու են, որովհետև Ադրբեյջանն ամեն բան արել է, որ բանակցությունները տեղափոխվեն ուղղակի, չմիջնորդավորված հարթություն, երբ որ միջնորդներ չեն լինի եւ ուժային դիպլոմատի պայմաններում ինքը Հայաստանին կթելադրի իր օրակարգը: Հիմա այս պարագայի մասին ինչքան որ Ադրբեյջանը համաձայնություն տվեց, քանի որ Ալիևը վստահ է, որ Նիկոլ Փաշինյանը մերժելու է այդ միջնորդությունը: Հետևաբար ես հիմա չեմ կանխատեսում, որ մոտ ապագայում ռուսական հարթակում հնարավոր է բանակցությունների վերսկսում: Ներկայումս Ռուսաստանի նպատակն այլ է՝ թույլ չտալ արեւմուտքի դերակատարության

ուժեղացում տարածաշրջանում: Գուցե դրան նա կարողանա հասնել, բայց մոտ ապագայում ես չեմ տեսնում հնարավորություն, որ բանակցությունները ռուսական հարթակ կարող են տեղափոխվել:

Պարոն Սուրենյանց, Լավրովի այս հայտարարություններից հետո շատերը կարծես թե քարկոծում են վերջինիս, ի՞նչ եք կարծում, մի՞թե իր հայտարարություններն են պատճառը:

«Գերեմոցիոնալ, հաճախ՝ անակարգակ մեկնաբանություններին անդրադառնալ չեմ ուզում: Տրամաբանական չէ քարկոծել մի երրորդ երկրի արտգործնախարարի, այն պարագայում, երբ այդ փաստաթղթի տակ դրված է ընդհանուր ղեկավարի ստորագրությունը: Եթե անգամ Լավրովին վերապահում էլ կա՞ դա այն հարցում է, որ նա չի ընդգծել Ադրբեյջանի պատասխանատվությունը մնացած կետերի չկատարման հարցում: Սա՛ է, վերջ:

Զրուցեց ԱՆՆԱ ՍՄԱՊԻՈՆՅԱՆԸ



«ԱՅԼԵՎՍ ՈՉ ՄԻ ԲԱՆԱԿՑՈՒԹՅՈՒՆ» ՄԵԳՎԵԳԵՎ

ՌԴ Անվտանգության խորհրդի փոխնախագահ Դմիտրի Մեդվեդևը բացառել է Կիեվի հետ բանակցությունների հավանականությունը՝ հայտարարելով, որ Ռուսաստանը կարող է «բանակցային ծուղակում» հայտնվել: Այս մասին նա գրել է իր թեկնածուական ալիքում:

«Իմ կարծիքով՝ վերջին շրջանում, թեև տեսականորեն, բայց գոյություն ուներ մի վտանգ՝ բանակցային ծուղակ, որում կարող էր հայտնվել մեր երկիրը որոշակի հանգամանքների դեպքում» - գրել է Մեդվեդևը՝ մանրամասնելով, որ խոսքը «միջազգային հանրության կողմից առաջարկված եւ Կիեվի ռեժիմի կողմից պարտադրված խաղաղության շուրջ վաղ ու անհարկի բանակցությունների» մասին է, որոնց հեռանկարներն ու հետևանքները պարզ չեն:

«Նեոնացիստների կողմից Կուրսկի մարզում ահաբեկչության իրականացումից հետո ամեն ինչ իր տեղն ընկավ: Ոչ մեկի կողմից չի ազդարարվում միջնորդների դատարկախոսությունը չքննադատելու թեմայով դադարեցված է: Հիմա բոլորն ամեն ինչ հասկանում են, Լույսիսկ եթե չեն բարձրաձայնում: Նրանք հասկանում են՝ այլևս ոչ մի բանակցություն մինչև թշնամու լիակատար ջախջախումը», - գրել է նա:

ԻՍՐԱՅԵԼԱ-ԼԻԲԱՆՈՅԱՆ ՊԱՏԵՐԱԶՄ

Լիբանանցի քաղաքագետ եւ լրագրող Մարուան Համադին MTV Lebanon-ին տված հարցազրույցում ասել է, որ Իսրայելի եւ Լիբանանի միջև պատերազմին, լավագույն դեպքում, մի քանի օր է մնացել:

Համադին նշել է, որ բանակցային գործընթացին ներկա իր բարձրաստիճան արդյունքը տեղեկացրել են, որ Իսրայելը մի քանի ժամվա, կամ մեկ երկու օրվա ընթացքում պատերազմ կսկսի Լիբանանի դեմ:

ՀԻՍՏԱԳԱՐԻ ՎԵՐԱԲԵՐՅԱԼ

Թուրքիայի արտգործնախարար Հաջան Ֆիդանը ԱՄՆ Պետքարտուղար Էնթոնի Բլինքենի հետ հեռախոսազրույցի ընթացքում քննարկել է պաղեստինյան ՀԱՄԱՍ շարժման եւ Իսրայելի միջև հրադադարի շուրջ բանակցություններում ստեղծված իրավիճակը: Հայտարարել է Թուրքիայի ԱԳՆ պաշտոնական ներկայացուցիչ Օնջու Քեչեքլին:

«Ամերիկյան կողմի խնդրանքով այսօր տեղի ունեցած հեռախոսազրույցի ընթացքում քննարկվել է ՀԱՄԱՍ-ի եւ Իսրայելի միջև հրադադարի շուրջ բանակցությունների իրավիճակը եւ տարածաշրջանում տեղի ունեցող իրադարձությունները», - գրել է դիվանագետը X-ի միկրոբլոգում:

ԱՐՑԱՎԻ ԱԺ

ԱՐՑԱՎ՝ ԱԳՐԻԵՋԱՆԻ ՀԱՅԱՔԱԼԱԾ ԲԱՅԼԵՐԻ ԴԵՄ

Արցախի Հանրապետության Ազգային ժողովի խմբակցությունները միասնական կոչով են հանդես եկել:

«2024թ. նոյեմբերի 11-22-ը Բաքվում նախատեսվում է ՄԱԿ-ի Կլիմայի փոփոխության համաժողովը (COP29), որին մասնակցելու հրավեր ունեն տարբեր երկրների ղեկավարներ, պաշտոնական պատվիրակություններ, միջազգային կազմակերպությունների պատասխանատուներ եւ բազմաթիվ լրագրողներ: Միանգամայն ակնհայտ է, որ Բաքուն այդ համաժողովն օգտագործում է՝ մոլորեցնելու համաշխարհային հանրությանը եւ շեղելու հանրային կարծիքը իր երկրի էության հետ շարժական ոճաբարձրություններից: Կասկածից վեր է նաև, որ նշված համաժողովին հրավիրված պաշտոնյաների եւ կառույցների անտարբեր մոտեցումը Ադրբեյջանի ոճաբարձրությունների նկատմամբ այդ երկրի ղեկավարության կողմից դիտարկվելու է որպես քաջալերանք՝ իրականացված ու շարունակվող հանցագործությունների, որի ցանկից կարելի է առանձնացնել:

● Արցախում 2023թ. սեպտեմբերին Ադրբեյջանի կողմից ձեռնարկված էթնիկ զտումները՝ որպես ցեղասպանություն եւ մարդկության դեմ իրականացված հանցագործություն:

● Ներխուժումը Հայաստանի Հանրապետության տարածք եւ ուժի կիրառման սպառնալիքով ճնշումները ՀՀ-ի վրա:

● Բաքվի կողմից պատանդառված Արցախի ռազմաքաղաքական ղեկավարների եւ մյուս գերիների նկատմամբ կեղծ մեղադրանքները, վերաբերմունքն ու նրանց անորոշ ճակատագիրը:

● Ադրբեյջանի կողմից շարունակվող հակահայկական քաղաքականությունը, որն արտահայտվում է նաև Արցախի պատմամշակութային հարուստ ժառանգության ոչնչացման, յուրացման եւ ինքնությունը կեղծելու գործուն քայլերով:

Վերոնշյալ հանցավոր գործողությունների շարքը կարելի է երկար շարունակել: Մարդկությանը հուզող գլոբալ հարցերի՝ ՄԱԿ-ի Կլիմայի փոփոխության համաժողովի անվան տակ այս արարքների ջրհարկումը միայն ու միայն խորացնելու է անվստահության ու անկայունության մթնոլորտը, որն Ադրբեյջանի կողմից պար-

տադրվել է Հարավային Կովկասի տարածաշրջանին 2020թ. 44-օրյա պատերազմի, լիակատար շրջափակման եւ ցեղասպանության սպառնալիքի ներքո Արցախի Հանրապետության բռնազավթման եւ ամբողջովին հայաթափելու միջոցով:

Կոչ ենք անում համայն հայությանը եւ տարածաշրջանի՝ խաղաղությամբ շահագրգիռ երկրներին, կազմակերպություններին ու անհատներին միանալ Հայ Դատի կենտրոնական գրասենյակի եւ Միջազգային քրեական դատարանի գլխավոր դատախազ Լուիս Մորենո Օկամպոյի սկսած արշավին՝ տեղեկատվական դաշտում, սոցիալական ցանցերում եւ անհատական հաղորդակցություններով բացահայտել Ադրբեյջանի նենգ մտադրությունները եւ սթափության կոչ հղել միջազգային հանրությանը:

«Ազատ Հայրենիք-ԲՄԴ» խմբակցություն

«Միասնական հայրենիք» խմբակցություն

«Արդարություն» խմբակցություն

«ՀՀ Դաշնակցություն» խմբակցություն

«Արցախի ժողովրդավարական կուսակցություն» խմբակցություն»:

ԻՐԱՎԻՃԱԿ

ԱՄՆ ԸՆՏՐՈՒԹՅՈՒՆՆԵՐԻՆ ԸՆԴԱՌՈՎՋ

ՆԱԽԸՆՏԻՐԱԿԱՆ ՇՐՋԱՆԵՆ ԱԿՏԻՎ ԵՎ ԱՊՇԵՑՆՈՂ Է

ԹԵԿՆԱԾՈՒՆԵՐԸ ՎՏԱՏԱՏՎԵԼ ԵՆ

Իրանի նախագահ Մասուդ Փեզեշքեանի առաջարկած նախարարների կաբինետի բոլոր անդամները չորեքշաբթի ստացել են Իրանի խորհրդարանի վստահության քվեն:

Պեզեշքեանը նախարարների թեկնածուների ցանկը ներկայացրել է Իրանի խորհրդարանին օգոստոսի 11-ին՝ իր երդման արարողությունից գրեթե երկու շաբաթ անց:

Խորհրդարանն առաջարկված նախարարների որակավորումները սկսել է քննարկել շաբաթ օրը, իսկ վերանայման նիստերը շարունակվել են մի քանի օր:

Աբբաս Արաղչին 244 ձայնով դարձել է Իրանի նոր արտգործնախարար: 192 ձայնով էկոնոմիկայի նախարար է դարձել Աբոլմասեր Յեմմատին:

Յետախուզության նախարարի պաշտոնի թեկնածու Խոջա ալ Իսլամ Խաթեբը ստացել է 261 ձայն: Այսօրվա նիստի սկզբում Իրանի նոր նախագահը վերահաստատել է իր վարչակազմի եւ խորհրդարանի միջեւ համագործակցության ձգտումը:

ՌԴ ՏԱԲԱԾՔ ՆԵՐԽՈՒԺԵԼՈՒ ՓՈՐՁԸ

Ուկրաինայի ՋՈՒ կողմից ՌԴ տարածք ներխուժելու փորձը չեղարկում է ավագակալին խունտայի հետ ցանկացած բանակցությունների հնարավորությունը, հայտարարել է ՌԴ ԱԳՆ պաշտոնական ներկայացուցիչ Մարիա Զախարովան:

Նա հավելել է, որ Կիեւն արդարացումներ է փնտրում իր ահաբեկչական գործողության համար՝ դրանք ուղեկցելով կասկածելի փաստարկներով:

ԵԱՏՄ ԳԻՏՈՐԴ ԱՆԳԱՄԻ ԿԱՐԳԱՎԻՃԱԿ

Իրանը դիմում է ներկայացրել Եվրասիական տնտեսական միությունում դիտորդ պետության կարգավիճակ ստանալու համար: Այս մասին հաղորդել է Եվրասիական տնտեսական հանձնաժողովի (ԵԱՏՄ) մամուլի ծառայությունը:

«Իրանի Իսլամական Հանրապետության դիմումը Եվրասիական տնտեսական միությունում դիտորդ պետության կարգավիճակ ստանալու վերաբերյալ քննարկվել է Եվրասիական տնտեսական հանձնաժողովի կենտրոնակայանում», - ասվում է հաղորդագրության մեջ:

Նշվում է, որ այս հարցի շուրջ խորհրդակցությունները տեղի են ունեցել տեսակոնֆերանսի ձեռնարկով՝ ինտեգրման եւ մակրոտնտեսության նախարար Սերգեյ Գլազեվի նախագահությամբ:

«Խորհրդակցությունների մասնակիցները նշել են ԵԱՏՄ անդամ պետությունների եւ Իրանի Իսլամական Հանրապետության առեւտրատնտեսական համագործակցության առաջընթաց զարգացումը եւ ողջունել ԵԱՏՄ-ում դիտորդ պետության կարգավիճակ ստանալու ընթացակարգ նախաձեռնելու՝ երկրի մտադրությունը», - ասվում է հաղորդագրության մեջ:

Ամերիկայի Միացյալ Նահանգները պատրաստվում է երկրի ֆաղափական կարեւորագույն իրադարձությանը՝ նախագահական ընտրություններին, ինչից «Շունը որսալիս» սպասում են աշխարհի բոլոր դիտորդներն ու միլիոնավոր մարդիկ ողջ աշխարհում:

Ինչնով էլ ԱՄՆ-ի նախագահական ընտրություններն այդքան կարեւոր:

Պատասխանն ավելի քան պարզ է. Միացյալ Նահանգները ավելի քան մեկ դար է աշխարհում գոյություն ունեցող գերտերություններից մեկն է, որը որոշիչ ազդեցություն ունի տեղի ունեցող գրեթե բոլոր իրադարձությունների վրա: Հենց ԱՄՆ-ի քաղաքական դիրքորոշումը, նախագահների հայտնած կարծիքներն ու ձեռնարկած գործողությունները, ինչպես նաեւ երկրի արտաքին քաղաքականությունն ու աշխարհի տարբեր կետերում ընթացող ռազմական գործողություններին ԱՄՆ-ի մասնակցությունը որոշիչ ազդեցություն են ունենում գործընթացների հանգուցալուծման վրա:

Այս համատեքստում կարելի է հասկանալ, թե ինչ իրավիճակ է Միացյալ Նահանգներում, ինչ են ցույց տալիս «Էքզիթ փոլերը», եւ թե ինչ են մտածում ԱՄՆ-ի քաղաքացիներն այս հարցի շուրջ:

Նախագահական ընտրությունների մեկնարկին թեկնածուները հստակ էին՝ ԱՄՆ-ի գործող նախագահ դեմոկրատ Ջո Բայդենն ու ԱՄՆ-ի նախկին նախագահ, հանրապետական Դոնալդ Թրամփը, որի նկատմամբ 2021 թվականին իմփիչմենթի գործընթաց էր սկսվել: Սակայն հուլիսի 21-ին Ջո Բայդենը հայտարարեց, որ դուրս է գալիս մրցապայքարից, իսկ ավելի ուշ հայտնեց, որ «Դեմոկրատական կուսակցության» թեկնածուի կարգավիճակում սատարում է իր փոխնախագահ Քամալա Հարրիսին: Օգոստոսի 20-ին պաշտոնապես հայտարարվեց Հարրիսի թեկնածությունը:

Թեկնածուներից ո՞ւմ են նախընտրում ամերիկացիները եւ ինչն՞:



Պետք է նշել, որ մրցակցության մեջ ի սկզբանե Դոնալդ Թրամփը գերազանցում էր Ջո Բայդենին, եւ դա պայմանավորված էր Բայդենի արդյունաբերական ծախսողված քաղաքականությամբ եւ արտահանման շուկայում առկա ցնցումներով, ինչը կապվում էր նախ փոխնախագահ Քամալա Հարրիսի հետ՝ վտանգելով հարթանակի նրա հնարավորությունը: Սակայն նա մի կարելի առավելություն ունի՝ ավելի երիտասարդ է քան Թրամփը՝ երիտասարդ ավելի քան 18 տարով:

Ինչ վերաբերում է Դոնալդ Թրամփին, ապա նրան կարելի է առանձնացնել միգրացիայի ոլորտի քաղաքականությամբ եւ պատերազմական գործողություններին ԱՄՆ-ի մասնակցությամբ: Հայտնի է, որ հենց նրա նախագահության շրջանում կառուցվեց ԱՄՆ-ի եւ Մեքսիկայի միջեւ գոտիվոր պատերազմը եւ սկսվեց ապօրինի միգրացիայի դեմ պայքարի ակտիվ փուլը: Ամերիկացիների հետ զրույցների ընթացքում պարզ է դառնում, որ միգրացիայի ոլորտում ունեցած քաղաքակա-

նության հարցում հենց Թրամփն է շահել մարդկանց վստահությունը: Բացի այդ, համեմատության մեջ, ըստ ամերիկացիների, Թրամփի օրոք ԱՄՆ-ում կյանքն անհամեմատ ավելի ապահով է եղել, ավելի քիչ են եղել հանցագործությունները, փողոցում զենքի կիրառումն ու թմրանյութերի տարածումը:

Անդրադառնալով պատերազմական գործողություններին ԱՄՆ-ի մասնակցությանը՝ պետք է նշել, որ Թրամփի նախագահության շրջանում Միացյալ Նահանգներն ամենապասիվ մասնակցություն է ունեցել այլ տարածաշրջաններում ընթացող պատերազմներին՝ գործընթացները մեղմելու եւ կայունություն հաստատելու միտված քաղաքականությամբ: Հարկ է նշել, որ հենց այս քաղաքականության արդյունքում էլ Իրանի Իսլամական Հանրապետությունը դուրս եկավ «Գործողությունների համատեղ համապարփակ ծրագրից» (իրանի միջուկային ծրագիր, JCPOA), որի մեկնարկը տրվել էր 2015 թվականին: Մինչդեռ Միլիտարի ԱՄՆ-ի եւ Ռուսաստանի Դաշնության համատեղ ջանքերով հնարավոր եղավ զգալի առաջընթաց ունենալ՝ ի վնաս «Իսլամական պետություն» (ISIS) խմբավորման:

Վերադառնալով ԱՄՆ-ի նախագահական ընտրություններին՝ նշենք, որ նոյեմբերին կայանալիք ընտրությունների արդյունքները դեռ զարմացնել են տալու աշխարհին: Դեռեւս հուլիսի վերջին Դոնալդ Թրամփը առաջատարի դիրքերում էր, իսկ երեկ հրապարակված «Էքզիթ փոլերի» արդյունքներով Թրամփը կիսավաճի ընտրողների ձայների 43.8 տոկոսը, իսկ Քամալա Հարրիսը՝ 46.6:

Մնում է սպասել եւ հասկանալ Մերձավոր Արեւելքում, Հավային Կովկասում եւ Ուկրաինայում զարգացող գործընթացների զուգահեռ ինչ արդյունքներ կզբանցվեն ԱՄՆ-ի նախագահական ընտրություններում եւ ԱՄՆ-ի նոր ղեկավարության գործունեությունը ինչ կփոխի համաշխարհային քաղաքական թատերաբեմում:

ՀՈՐԻ ԲԱՂԱՍԱՐՅԱՆ

ՕՐՎԱ ԽՃԱՆԿԱՐ ՁՐԿՎԵԼ ԵՆ ԱԶԱՏՈՒԹՅՈՒՆԻՑ

ՀՀ 7 քաղաքացիներ ապօրինաբար զրկվել են ազատությունից. օրինական շեղվել վիզաների պարագայում նրանց թույլ չեն տալիս մուտք գործել Բուլղարիա եւ պահում են Սոֆիայի օդանավակայանի բանտայնիցում անմարդկային պայմաններում՝ զրկելով սննդից, ջրից, նվազագույնում են եւ հարցերն անպատասխան թողնում:

«Ժողովուրդ»-ի հետ զրույցում «Տնտեսական իրավունքի կենտրոն» ՀՀ նախագահ Մովսես Արիստակեսյանը պատմում է, որ իր հարազատները նույնպես խնդրի գոհ են դարձել. «Այս ամենը թրաֆիկինգ է հիշեցնում եւ այդ քաղաքացիների կյանքը վտանգի է ենթարկված: Իմ ահագնագրի արդյունքում վերջապես 8 ժամ հետո նրանց հետ տեսակցել է Բուլղարիայում ՀՀ դեսպանը եւ հիմա ընթանում են բանակցություններ: Խիստ անհրաժեշտ է, որպեսզի ՀՀ ԱԳՆ-ն բողոքի նոտա հղի Բուլղարիայի կառավարությանը՝ նշված դեպքերի շարունակականությունը կասեցնելու եւ ՀՀ տուժած քաղաքացիների կյանքի վտանգը կարգադրելու»,- ասվում է հաղորդագրության մեջ:

Մովսես Արիստակեսյանի խոսքով՝ իր հարազատները արդեն 12 ժամ է, ինչ գտնվում են օդանավակայանի խցում: Նա դիմել է ՀՀ վարչապետի աշխատակազմին, ԱԳՆ, Բուլղարիայում Հայաստանի դեսպանատանը: Նամակ ուղարկելուց 8 ժամ հետո՝ դեսպանատանից նրան պատասխանել են, որ նամակը ուղարկելն անվերջ է կամ ռուտերն:

«Ժողովուրդ» օրաթերթը փորձել է կապ հաստատել ԱԳՆ մամուլի խոսնակի հետ, սակայն մեր զանգերը մնացել են անպատասխան:

ԻՆՉՈՒ Է ՎԱՏԱՑԵԼ ՍՐԲԱԶԱՆԻ ԱՌՈՂՋԱԿԱՆ ՎԻՃԱԿԸ

«Սրբազան շարժման» առաջնորդ Բագրատ Սրբազանն արդեն մի քանի օր է՝ Երեւանի «Իզմիրյան» բժշկական կենտրոնում է:

«Ժողովուրդ» օրաթերթը տեղեկացավ, որ վերջին ժամանակահատվածում Սրբազանն իրեն լավ չի զգացել. նա շաքարային դիաբետ ունի, ինչի համար հիվանդանոցում է: Մենք տեղեկացանք, որ

ստուգումներ է անցել, բժիշկները հորդորել են գոնե մեկ շաբաթ մնալ իրենց հսկողության տակ:

Ըստ «Ժողովուրդ» օրաթերթի տեղեկությունների՝ այս պահին էլ Բագրատ Սրբազանը հիվանդանոցում է, բայց որոշել է վաղը (խմբ.) անպայման Երեւանի Սուրբ Աննա եկեղեցու մոտ հանդիպում ունենալ քաղաքացիների հետ:

Մեր տեղեկությունների համաձայն՝ այս պահին Սրբազանն իրեն լավ է զգում:

Հիշեցնենք, որ երեկ (խմբ.) «Ժողովուրդ» օրաթերթը զրուցել էր Սրբազանի որդեկանի՝ Լիդյա Մանթաշյանի հետ՝ պարզելու, թե ինչպես է Սրբազան հոր ինքնազգացողությունը հիմա:

Մեզ հետ զրույցում Բագրատ Սրբազանի օգնականն ասել էր. «Սրբազանը շատ լավ է իրեն զգում, առաջին օրվանից էլ լավ է զգացել իրեն, այնպես չէ, որ վատ է զգացել ու տարել են հիվանդանոց: Առողջական խնդիրներ է ունեցել, հիմա ամեն բան լավ է: Հիվանդանոցից դուրս չի գրվել, կաթիլայիններ է ընդունում, դեռ հիվանդանոցում է: Բժիշկներն են ցանկացել, ասել են՝ 1 շաբաթ մնա իրենց մոտ՝ հասկանալով իր ծանրաբեռնվածությունն ու գրաֆիկը, որպեսզի անհագայում արդեն ակտիվ փուլ մտնելիս հանգիստ լինի»:

ՍՈՍՆ ԳՐԻԳՈՐՅԱՆ

ՀԱՍԱՐԱԿՈՒԹՅՈՒՆ

ՄԱՐԶ

ՄԱՐԶՊԵՏՆ ԱՆՏԵՂՅԱԿ ԷՐ

Մայիսի 26-ին վարարած Աղստեղ վնասել է հաջթառակ եւ Լուսահովիտ գյուղերը միջպետական ավտոճանապարհին կապող կամուրջը...

ՀՐԱԺԱՐՎԵԼ ԵՆ ՓՈԽՐԱՏՈՒՑՈՒՄԻՑ

Կիրանցից տեղեկացանք, որ 11 ընտանիք, որոնց հարազատները գոհվել են հայրենիքի տարածքները պաշտպանելու ժամանակ...

ՈՍԿԻՆ ՍԱՐԳՅԱՆ Տալուշ

ԱՐԵՎՍՏՅԱՆ ՆԵՂՈՍԻ ՏԵՆԴ

ԻՆՉ ՀԵՏԵՎԱՆՔՆԵՐ ԿԱՐՈՂ Է ՈՒՆԵՆԱԼ

Վերջին օրերին ակտիվորեն ֆնմարկվում է Արեւստյան Նեղոսի վարակն ու սեճոը...



WNV տեսակի վարակի հիմնական կրողներն ու տարածողները մոծակներն ու թռչուններն են՝ այդ խմբի մի շարք ներկայացուցիչներ:

Մոծակներից վարակը տարածվում է հիմնականում Culex խմբի մոծակների միջոցով, իսկ շատ հազվադեպ՝ նաեւ տիգերի: WNV տեսակի վարակը տարածվում է կաթնասունների խմբի 30 տեսակի շրջանում...

Ծանր դրսևորումներ է ունենում առաջացնելով մենինգիտ կամ էնցեֆալիտ: Նման դեպքերում առողջացման գործընթացը կարող է տևել ընդհուպ ամիսներ, իսկ այն հիվանդների մոտ, որոնց դեպքում ախտահարված է նյարդային համակարգը...

ներ ունեցող անձանց շրջանում ինչպիսիք են քաղցկեղի կրողները, շաքարային դիաբետ եւ այլ հիվանդություններ կրող անձինք: Վարակի տարածումը կանխելու համար նախատեսված պատվաստանյութ մարդկանց համար գոյություն չունի...

ՀՈՒԻ ԲԱՂՂԱՍՏԱՐՅԱՆ

ՀԱՆԳԻՍԱԾ՝ ՀՈՒՆԱՍՏԱՆՈՒՄ

ՈՒՐ ԳՆԱԼ ԵՎ ԻՆՉ ԱՐԺԵՔՆԵՐ ԱԿՆԿԱԼԵԼ

Վերջին սասնամյակում Հայաստանից դեղի Հունաստան չվերքների ֆանակն ավելացել է, ինչը դայմանավորված է այցագրի համեմատաբար հեճ սրամադրմամբ:



Հունաստանը շենգեն այցագրային գոտու այն երկրներից է, որն անհամեմատ հեշտ է այցագիր տրամադրում ՀՀ քաղաքացիներին:

Եթե ամռան վերջին օրերին ցանկանում եք Հունաստան հանգստի մեկնել, սակայն նախապես ոչինչ չեք կազմակերպել, ապա այս պահի դրությամբ Երեւան-Աթենք-Երեւան օդանավային տոմսերի արժեքը սկսվում է 160 հազար ՀՀ դրամից:

Եթե ցանկանում եք կացության համար հյուրանոց ամրագրել հենց Աթենքում, ապա պետք է մեկ գիշերվա համար նախատեսել 25-ից 60 հազար ՀՀ դրամ: Իհարկե կարելի է եւ ավելի թանկարժեք հյուրանոցներում գիշերել, եթե այդ հնարավորությունն ունեք: Բնակարանի վարձակալության համար մեկ գիշերվա համար նախատեսված արժեքը տատանվում է 25-ից 100 հազարի միջև:

Եթե ցանկանում եք հանգիստը վայելել հունական կղզիներում, ապա պետք է վճարել նաեւ ներքին չվերթների համար,

որոնք տատանվում են 20-ից 50 հազարի միջև: Այստեղ կեցության համար ավելի շատ գումար պիտի նախատեսեք: Հնարավոր է գտնել նաեւ բյուջետային տարբերակներ, սակայն լավ հյուրանոցների մեծ մասում մեկ գիշերվա համար արժեքը սկսվում է 50 հազար դրամից:

Եթե մեկնում եք Հունաստան, ապա չմոռանաք անպայման այցելել երկրի դեմքը

հանդիսացող պատմամշակութային վայրեր: Նախընտրելի է նախապես ամրագրել մուտքի տոմսերն ու գնել՝ առանց հերթի ներս մտնելու տարբերակով: Այստեղ պետք է անպայման տեսնել Կրոպոլիսը, Ակրոպոլիսի թանգարանը, Պանթեոնը, ծիթնու եւ Նարնջի այգիներն ու բազմաթիվ արժեքավոր այլ վայրեր:

Հ. ԲԱՂՂԱՍՏԱՐՅԱՆ

● Անցած օրվա ընթացքում հանրապետությունում արձանագրվել է ճանապարհատրանսպորտային 14 պատահար. 19 մարդ ստացել է ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԳՈՐԾԱՐՔԻ ԽԱԽՏՈՒՄՆԵՐ

Պետական եկամուտների կոմիտեն ներկայացնում է 2024 թվականի հուլիս ամսվա ընթացքում «Անկանխիկ գործառնությունների մասին» 33 օրենքի պահանջների խախտումներ թույլ տված հարկ վճարողների վերաբերյալ տեղեկատվությունը:

2024 թվականի հուլիս ամսվա ընթացքում ավարտված հսկողական աշխատանքների արդյունքներով 12 հարկ վճարողի մոտ արձանագրվել է «Անկանխիկ գործառնությունների մասին» 33 օրենքի պահանջների խախտում:

Հսկողական միջոցառումների արդյունքում, հարկ վճարողներին ընդհանուր առմամբ առաջադրվել է 5.7 մլն դրամի չափով տուգանք:

ԳՅՈՒՂԱՏՆՏԵՍԱԿԱՆ ՀԱՇՎԱՌՈՒՄ

Շիրակի մարզպետի աշխատակազմում մարզպետ Մուշեղ Մուրադյանի, 33 վիճակագրական կոմիտեի նախագահ Ստեփան Մնացականյանի գլխավորությամբ անցկացվել է Հայաստանի Հանրապետությունում 2024 թվականի հերթական գյուղատնտեսական հաշվառման նախագիտարարումն և անցկացման մարզային հանձնաժողովի նիստը, որին մասնակցել են նաև 33 վիճակագրության պետական խորհրդի անդամ, կոմիտեի նախագահի տեղակալ Գագիկ Անանյանը, մարզի համայնքների ղեկավարներ, տեղակալներ, մարզպետի աշխատակազմի, վիճակագրական կոմիտեի, աշխատակազմերի ներկայացուցիչներ:

Գյուղատնտեսական համատարած հաշվառումն իրականացնելու են հաշվարարները, գործընթացում Շիրակի մարզում կներառվի շուրջ 448 հաշվարար: Վերջիններս տեղեկատվություն տրամադրողների՝ գյուղաբնակ անհատական տնային տնտեսություններից, գյուղատնտեսությամբ զբաղվող քաղաքացիական անհատական տնային տնտեսություններից, գյուղատնտեսության կառուցվածքի վերաբերյալ:

Գյուղատնտեսության կառուցվածքին են վերագրվում գյուղատնտեսական նշանակության հողերը, մշակաբույսերի ցանքատարածությունները և բազմամյա տնկարկների տարածությունները, հողերի ոռոգման աղբյուրները, գյուղատնտեսական կենդանիները, տեխնիկան, շինությունները, մարդկային և նյութական առկա ռեսուրսները:

Օրենքով սահմանված կարգով, համատարած հաշվառումները կրում են պարտադիր բնույթ՝ ֆիզիկական և իրավաբանական անձանց համար: Վերջիններս պարտավոր են սպառիչ պատասխաններ տալ հարցաթերթի բոլոր հարցերին:

«ԲՐԻԿՍ»

ԻՆՉ ԱԶԳԵՑՈՒԹՅՈՒՆ ԿԹՈՂՆԻ ՀՂ-Ի ՎԲԱ

2006 թվականին Բրազիլիան, Ռուսաստանը, Հնդկաստանը և Չինաստանը ստեղծեցին «Բրիկ» խումբը: Հարավային Աֆրիկան միացավ 2010 թվականին՝ դարձնելով այն «Brics»:

Խումբը նախագծված էր համախմբելու աշխարհի ամենակարգավոր գարգացող երկրները, մարտահրավեր նետելու հյուսիսային Ամերիկայի և Արևմտյան Եվրոպայի ավելի հարուստ երկրների քաղաքական և տնտեսական հզորությանը, հետագայում խմբին միացան նաև Եգիպտոսը, Իրանը, Արաբական Միացյալ Էմիրությունները, Սաուդյան Արաբիան և Եթովպիան:

Խումբը սահմանում է առաջնահերթություններ և որոշումներ կայացնում տարեկան գագաթնաժողովում: Անդամները հերթով կատարում են նախագահի պաշտոնը մեկ տարի:

Ընդլայնված խմբի անունը դեռ չի հայտարարվել, բայց կարող է լինել «Brics +»:

Brics-ի երկրները ներառում են խոշոր համաշխարհային ուժեր, ինչպիսիք են Չինաստանը և Ռուսաստանը, և երկրներ, որոնք ազդեցիկ են իրենց մայրցամաքում, ինչպիսիք են Հարավային Աֆրիկան և Բրազիլիան:

Ընդլայնված խումբն ունի մոտ 3,5 միլիարդ բնակչություն կամ աշխարհի բնակիչների 45%-ը:

Անդամների տնտեսությունները միասին կազմում են ավելի քան 28,5 տրիլիոն դոլար՝ համաշխարհային տնտեսության մոտ 28%-ը:

«Բրիկսին» անդամ երկիր Ռուսաստանը 2024 թվականի հոկտեմբերին կիրառելի գագաթնաժողովը Կազանում:

Նախագահ Վլադիմիր Պուտինն ասել է, որ ցանկանում է բարձրացնել Brics-ի դերը միջազգային ֆինանսական համակարգում, զարգացնել համագործակցությունը բանկերի միջև և ընդլայնել Brics արժույթների օգտագործումը, ինչպես նաև խթանել հարկային և մաքսային մարմինների միջև համագործակցությունը:

Շաբաթներ առաջ Ադրբեյջանի Միլի մեջլիսի նախագահ Սահիբա Գաֆարովան, Ելույթ ունենալով BRICS-ի խորհրդարանական ֆորումի լիագումար նիստում, որն անցկացվում է Սանկտ Պետերբուրգում, ասաց, որ ցանկանում են դառնալ BRICS-ի լիիրավ անդամ:



Թե ինչպես սա կանդիդատնա Հայաստանի Հանրապետության վրա, հստակ ոչինչ հայտնի չէ, սակայն շատ քաղաքական գործիչներ ասում են՝ նրանց անդամակցությունը չի կարող լավ անդրադառնալ Հայաստանի համար:

Փորձագետները չէին սպասում ԲՐԻԿՍ խմբի երկրների միջև տնտեսական համագործակցություն: Մասնավոր չէին ենթադրում, որ ԲՐԻԿՍ-ի երկրները կծեալորեն մի տնտեսական բլոկ կամ պաշտոնական առևտրային ասոցիացիա, ինչպիսին է Եվրասիական տնտեսական միությունը:

Սակայն ժամանակի ընթացքում երեւաց, որ ԲՐԻԿՍ խմբի չորս երկրները փորձում են ստեղծել մի քաղաքական ակումբ կամ խորհուրդ, և այդ կերպ իրենց զարգացող տնտեսական հզորությունը վերափոխել աշխարհաքաղաքական ազդեցության: Այդ քայլերից էր 2008 թվականին Եկատերինբուրգում ԲՐԻԿՍ խմբի երկրների արտաքին գործերի նախարարների գագաթնաժողովը, ինչպես նաև Նույն երկրների առաջնորդների հանդիպումը 2009 թվականին:

ԲՐԻԿՍ-ի անդամ երկրները բնութագրվում են որպես արագ զարգացող հզոր երկրներ: Այս երկրների բարենպաստ դիրքն ապահովում է համաշխարհային տնտեսության մեջ նրանց կարեւոր դերը: **ԷԼՄԱ ՄԱՐՏԻՐՈՍՅԱՆ**

ՏՈՒՎԱՆՔՆԵՐ

ԱՐՁԱՆԱԳՐՎԵԼ Է ԱՇԽԱՏՈՂԻՆ ՉՁԵՎԱԿԵՐՊԵԼՈՒ 53 ԴԵՊՔ

Պետական եկամուտների կոմիտեն տեղեկացնում է, որ 2024 թվականի հուլիս ամսվա ընթացքում ավարտված հսկողական աշխատանքների արդյունքներով վարձու աշխատողի չձեռնարկման դեպքեր արձանագրվել են ընդհանուր առմամբ 53 հարկ վճարողի մոտ, իսկ տուգանքի չափը կազմել է 37.250 մլն դրամ:

Երեք են ավելի վարձու աշխատողների չձեռնարկման 17 դեպքով 17 հարկ վճարող տուգանվել է 25.250 մլն դրամով: Մասնավորապես, դեպքերն արձանագրվել են հետևյալ ոլորտներում.

- անվտանգության ապահովման ոլորտում 1 հարկ վճարողի մոտ 1 դեպքով բացահայտվել է 6 չձեռնարկված վարձու աշխատող, առաջադրվել է 1.5 մլն դրամ տուգանք,
- կաթնամթերքի արտադրության ոլորտում 1 հարկ վճարողի մոտ 1 դեպքով բացահայտվել է 8 չձեռնարկված վարձու աշխատող, առաջադրվել է 2 մլն դրամ տուգանք,

մոտ աշխատող, առաջադրվել է 2 մլն դրամ տուգանք,

-հանրային սննդի ոլորտում (հանդիսությունների սրահ չունեցող) 2 հարկ վճարողի մոտ 2 դեպքով բացահայտվել է 16 չձեռնարկված վարձու աշխատող, առաջադրվել է 4 մլն դրամ տուգանք,

-մթերքային խանութում 1 հարկ վճարողի մոտ 1 դեպքով բացահայտվել է 3 չձեռնարկված վարձու աշխատող, առաջադրվել է 750 հազար դրամ տուգանք,

-շինարարության (բացառությամբ՝ շենքերի կառուցապատման և ճանապարհաշինարարության) 3 հարկ վճարողի մոտ 3 դեպքով բացահայտվել է 16 չձեռնարկված վարձու աշխատող, առաջադրվել է 4 մլն դրամ տուգանք,

-սպորտի, զվարճության ոլորտներում 1 հարկ վճարողի մոտ 1 դեպքով բացահայտվել է 12 չձեռնարկված վարձու աշխատող, առաջադրվել է 3 մլն դրամ տուգանք,

-վարձույթի և ոչ ալկոհոլային խմիչքների արտադրության ոլորտներում 1 հարկ վճարողի մոտ 1 դեպքով բացահայտվել է 7 չձեռնարկված վարձու աշխատող, առաջադրվել է 1.750 մլն դրամ տուգանք,

-տնտեսական ապրանքների խանութում ոլորտում 2 հարկ վճարողի մոտ 2 դեպքով բացահայտվել է 7 չձեռնարկված վարձու աշխատող, առաջադրվել է 1.750 հազար դրամ տուգանք,

-այլ ոլորտներում 5 հարկ վճարողի մոտ 5 դեպքով բացահայտվել է 26 չձեռնարկված վարձու աշխատող, առաջադրվել է 6.5 մլն դրամ տուգանք:

Երեք են ավելի չձեռնարկված վարձու աշխատողների մասով խախտում թույլ տված 17 հարկ վճարողների անվանական ցանկը՝ ըստ գործունեության ոլորտների, կցվում է:

Չձեռնարկված վարձու աշխատողների մասով խախտում թույլ տված 53 հարկ վճարողների ցանկը կցվում է:

«Տոմսավոր» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄՇԱԿՈՒՅՑ

ՖԻԼՄԵՐՈՒՄ ԱՅՆ ՀԱՃԱՆ «ՓՈՒՆԱՐԻՆՈՒՄ» Է ԿՈՒԽԶԵՆՈՒՄԻՆ

ԱՄՖԻԹԱՏՐՈՆՆԵՐ, ՈՐՈՆՔ ԱՆՊԱՅՄԱՆ ՏԵՄՆԵԼ Է ՊԵՏՔ

Հռոմի Կոլիզեոսը աշխարհի ամենա-
դավորիչ ու հզոր կառույցներից մեկն է:
Ամեն արի միլիոնավոր մարդիկ մեկ-
նում են Հռոմ հենց այս հրաշքը տեսնե-
լու համար: Ոմանք այն համարում են
ուժի եւ հաղթանակի մարմնացում,
ոմանք էլ այն կառույց են մտածում եւ
չարչարանքի հեծ:



ՅՈՒՆԵՍԿՕ-ի համաշխարհային ժառան-
գության ցանկում:
Յետաքրքիր է այն փաստը, որ ֆիլմե-
րում Կոլիզեոսում ընթացող իրադարձու-
թյունները հաճախ նկարահանվել են հենց
Մարկոս Գորդիանոսի ամֆիթատրոնում,
քանի որ վերջինս շատ ավելի ամբողջա-
կան է պահպանվել:

Եւ կանգնելու համար նախատեսված տա-
րածքները ներառյալ կարող է ընդունել
12.500 մարդու:
Ստորեւ ներկայացնում ենք 10 լավա-
գույն հռոմեական ամֆիթատրոնները,
որոնք պետք է անսպասելի տեսնել:

Եվ անկախ տարբեր տեսակետներից
այն բոլոր ժամանակներում եղել է ամե-
նաշատ հետաքրքրություն վայելող պատ-
մամշակութային հուշարձաններից մեկը:
Սակայն Կոլիզեոսը միակը չէ. աշխար-
հում ավելի քան 200 նման օվալաձեւ ամ-
ֆիթատրոններ կան, որոնք հաճախ ավե-
լի քան 50 հազար մարդ են տեղավորել:

Առիկ ամֆիթատրոն
Ֆրանսիայի հարավային Առլ քաղաքում
գտնվող հռոմեական ամֆիթատրոնը կա-
ռուցվել է 90 թվականին եւ հյուրընկալել
20 հազար մարդու, որոնք ներկա են գտն-
վել կառքերի մրցավազքերի եւ արյունալի
ձեռնամարտերի: Այստեղ ժամանակին
անցկացվել են նաեւ ցլամարտեր, հա-
մերգներ եւ թատերական ներկայացում-
ներ:
1981 թվականին Առլի ամֆիթատրոնը
ներառվել է ՅՈՒՆԵՍԿՕ-ի համաշխարհա-
յին ժառանգության ցանկում քաղաքի այլ
հռոմեական եւ միջնադարյան շինություն-
ների հետ՝ որպես Առլ հռոմեական եւ ռո-
մանական հուշարձանների խմբի մաս:

Փուլա Արենա
Խորվաթիայում գտնվող հռոմեական
ամֆիթատրոնի կառուցման աշխատանք-
ները սկսվել են մ.թ.ա. 27 թվականին եւ
ավարտվել 68 թվականին: Այն պահպան-
ված հռոմեական ամֆիթատրոնների
շարքում վեց մեծագույններից է: Այսօր
ամֆիթատրոնը վերականգնված է եւ ծա-
ռայում է մշակութային միջոցառումների
իրականացմանը: 1932 թվականին իրա-
կանացված վերականգնումից եւ հարմա-
րեցումից հետո այն ունի 7000 նստատեղ

Կոլիզեոսում. Հռոմ, Իտալիա
Քարս ալ ժամ. Ալ ժամ, Թունիս
Նիսի ամֆիթատրոն. Նիս, Ֆրանսիա
Փուլա ամֆիթատրոն. Խորվաթիա
Ֆլավիան ամֆիթատրոն. Պոնտուկ,
Իտալիա
Վերոնայի ամֆիթատրոն. Վերոնա,
Իտալիա
Լեփոս Մագնա. Ուադի Լեդա, Լիբիա
Կարթագեն. Թունիսի արվարձաններ,
Թունիս
Ալեքսանդրիա ամֆիթատրոն. Ալեք-
սանդրիա, Եգիպտոս
ՀՈՒՐԻ ԲԱՂՂԱՍԱՐՅԱՆ

ԿՐԹԱԿԱՆ

«ՆՈՐԱՐԱՐ
ՄԻԱՄԻՆ»
ՖՐԱՆԿՈՖՈՆ
ՃԱՄԲԱՐ

ՀՀ կրթության, գիտության, մշակույթի
եւ սպորտի նախարարությունը Կենտրո-
նական եւ Արեւելյան Եվրոպայի ֆրանսա-
խոս տարածաշրջանային կենտրոնի
(CREFECO) հետ համատեղ Դիլիջանի
«Սիմոնյան» կրթական հիմնադրամի
(Թուն) մասնաճյուղում կազմակերպել է
«Նորարար միասին» ֆրանկոֆոն միջազ-
գային ամառային ճամբարը:
Ճամբարին մասնակցում են 15-17 տա-
րեկան 16 դպրոցականներ Հայաստանից,
Բուլղարիայից, Յուսիսային Մակեդոնիա-
յից, Ռումինիայից, Ալբանիայից, CREFE-
CO-ի նոր անդամ երկրներ հանդիսացող
Վրաստանից, ինչպես նաեւ Կոսովոյից եւ
Մոլդովայից:
Ճամբարի շրջանակում CREFECO-ի
կողմից Ռանիայից հրավիրված ՏՏ ուղրտի
մասնագետը կանցկացնի 6-օրյա դասըն-
թացներ: Ճամբարի ծրագրում ընդգրկված
են բազմաբնույթ ուսուցողական, ինտե-
լեկտուալ, սպորտային միջոցառումներ:

Ճամբարը բացառիկ եւ յուրահատուկ
հնարավորություն է պատանիների հա-
մար թե՛ ֆրանսերենի խթանման, թե՛ նոր
կրթական հնարավորությունների փոր-
ձարկման, եւ թե՛ աշխարհի տարբեր երկր-
ներից նոր ընկերների ձեռքբերման հա-
մար:
7-օրյա ճամբարը կշարունակվի մինչեւ
օգոստոսի 26-ը:

ՊԱՏԱՆԻՆԵՐԻ
ՀԱՅԱԳԻՏԱԿԱՆ
ՕԼԻՄՊԻԱԿԱ

ՀՀ կրթության, գիտության, մշակույթի
եւ սպորտի նախարարությունն արդեն 11-
րդ անգամ անցկացնում է Համահայկա-
կան հայագիտական օլիմպիադան:
Այս տարի օլիմպիադային մասնակցել է
14-18 տարեկան 53 պատանի՝ Վրաստա-
նից, Ռուսաստանի Դաշնությունից, Իս-
պանիայից եւ Քուվեյթից:
Օլիմպիադայի նպատակն է խրախուսել
հայոց լեզվի, գրականության եւ պատմու-
թյան իմացությունն արտերկրում բնակ-
վող հայ երեխաների շրջանում, օգնել
նրանց ճանաչել Հայաստանը եւ ծանոթա-
նալ տարբեր երկրներում բնակվող հաս-
կակիցների հետ:

Օլիմպիադան անցկացվել է երեք թե-
մատիկ ուղղությամբ՝ հայոց լեզու, գրա-
կանություն եւ հայոց պատմություն:
Հարցաշարերը կազմել են մասնագի-
տական հանձնաժողովները, որոնց կազ-
մը համալրվել է տարբեր բուհերից:
ԿԳՄՍՆ արտաքին կապերի եւ սփյուռ-
քի վարչության սփյուռքի հետ կապերի
բաժնի պետ Կարեն Մնացականյանի
խոսքով՝ օլիմպիադան այս տարի անց-
կացվել է այլ ձեւաչափով՝ որպես ստուգա-
տես, այլ ոչ թե մրցույթ, հետեւաբար հաղ-
թողներ չեն առանձնացվել: Մասնակից-
ներին հարցերի շրջանակ եւս նախապես
չի տրվել: «Թեեւ մասնակիցները նախա-
պես չեն ունեցել հարցերի շրջանակը,
բայց, ի գարմանս մեզ, արդյունքները
սպասվածից լավն էին», - ստում է Կարեն
Մնացականյանը:
Օլիմպիադայի կազմակերպման գոր-
ծընթացում նոր ձեւաչափ էր նաեւ վիկտո-
րիանյան անցկացումը: Թիմերը ձեւավորվել
են տարբեր համայնքների մասնակիցնե-
րից՝ միմյանց ծանոթացնելու եւ նրանց մի-
ջեւ նոր կապեր հաստատելու նպատա-
կով:
Վիկտորիանյան յուրաքանչյուր պատա-
խան մասնագետի կողմից վերլուծվել է
ներկայացվել է երեխաներին՝ ամրապնդե-
լու գիտելիքը:

ՄԱՐԶԱԿԱՆ

ԺՈՒՄԻ ՖԵԼԻՔՍԸ՝
«ՉԵԼՍԻԻ»
ԽՍՂԱՑՈՂ

Պորտուգալացի հարձակվող ժոուու
Ֆելիքսը տեղափոխվեց Լոնդոնի «Չել-
սի», հայտնում է ակումբի պաշտոնական
կայքը:
Լոնդոնյան ակումբը հայտարարել է
Մարիոյի «Ատլետիկոյից» 24-ամյա հար-
ձակվողի տեղափոխության մասին:
Պորտուգալացին նախկինում արդեն
վարձավճարով հանդես է եկել «Չելսի-
ում» 2022/23 մրցաշրջանի երկրորդ կե-
տում:
Հարդրվում էր, որ «Ատլետիկոն» Ֆե-
լիքսի համար կստանա 50 միլիոն եվրո
գումարած 5 միլիոն եվրո բոնուսների
տեսքով:
Ավելի վաղ «Չելսիից» մարիոյան
ակումբ էր տեղափոխվել կիսապաշտ-
պան, անգլիացի Ռոնրի Գալահերը՝ 42
միլիոն եվրոյի դիմաց:

ԿՄՐՑԱԿՑԵՆ
ԲՐՈՆՁԵ
ՄԵՂԱԼԻ ՀԱՄԱՐ

Հորդանանի մայրաքաղաք Ամմանում
ընթացող հունահռոմեական ոճի ըմբշա-
մարտի միջեւ 17 տարեկանների աշ-
խարհի առաջնությունում 51 կգ քաշա-
յին Սարգիս Հարությունյանը եւ 71 կգ
քաշային Ասմվել Տերտերյանը կգոտե-
մարտեն բրոնզե մեդալների համար:
Նրանք հարթել են ամֆոփիջ գոտեմար-
տերում համապատասխանաբար վրացի
եւ չինացի ըմբիշների եւ երեկոյան կփոր-
ձեն արդեն նաեւ մեդալներ սվաճել:
Հիշեցնենք, որ Հայաստանը արդեն
երկու բրոնզե մեդալ ունի: Երեկոյան
բրոնզե մեդալի համար կայաքարի նաեւ
Լյուկա Շուխյանը, իսկ Մարատ Աճեմյանը
կգոտեմարտի ոսկու համար:

ՓԼԵՅ ՕՖՏԻ
ՆԱԽՆԱԿԱՆ
ԱՐԳՅՈՒՆՔՆԵՐ

Սեկնարկել է Չեմպիոնների լիգայի
որակավորման փլեյ օֆֆ փուլը: Դիմա-
կայությունները տնային հաղթանակով
սկսել են ֆրանսիական «Լիլը», Խորվա-
թիայի ու Նորվեգիայի չեմպիոնները՝
Զագրեբի «Դինամոն» ու «Բուդյոյ Գլիմ-
տը»:
«Լիլն» ընդունել է Պրահայի «Սլավիա-
յին» եւ հարթել 2-0 հաշվով: Զագրեբի
«Դինամոն» սեփական հարկի տակ 3-0
հաշվով առավելության է հասել ադրբե-
ջանական «Կարաբախի» նկատմամբ,
իսկ «Բուդյոյ Գլիմտը» 2-1 հաշվով հաղ-
թել է սերբական «Տրվենա Զվեզդային»։
Դիմակայությունների պատասխան
հանդիպումները կայանալու են օգոստո-
սի 28-ին:
Այսօր (հմբ.) առաջին հանդիպումները
կանցկացնեն նաեւ հետեյալ զույգերը.
«Միտոյուլան» (Ռանիա) - «Սլովան»
(Սլովակիա)
«Մալմյո» (Շվեդիա) - «Սպարտա Պրա-
հա» (Չեխիա)
«Դինամո Կիտ» (Ուկրաինա) - «Զալց-
բուրգ» (Ավստրիա)
«Յանգ Բոյս» (Շվեյցարիա) - «Գալա-
թասարայ» (Թուրքիա)
Բոլոր դիմակայությունների հաղթողնե-
րը սվաճելու են Չեմպիոնների լիգայի
հիմնական փուլի ուղեգիր:

● Օգոստոսի 24-ին՝ ժամը 20:00-ին, Բաբելոն թատրոնում կցուցադրվի «Պատրանքներ» ներկայա-
ցումը: Տոմսերի արժեքը՝ 3.000-4.000 դրամ:



ԳՅՈՒՂԱՏՆՏԵՍԱԿԱՆ

Հարց. Ի՞նչ աջակցության ծրագրեր է իրականացնում նախարարությունը անասնաբուծության ոլորտում:

(Հմայակ Մկրտչյան, 37 տարեկան, գյուղատնտես)



ՊԱՏԱՍԽԱՆ. Այս տարի նախարարությունը մեկնարկել է երկու ծրագիր՝ ուղղված անասնաբուծության ոլորտի զարգացմանը: Դրանք են «Փոքր եւ միջին «խելացի» անասնաշենքերի կառուցման կամ վերակառուցման եւ դրանց տեխնոլոգիական ապահովման պետական աջակցության» եւ «ՀՀ-ում 2019-2024 թվականների տավարաբուծության զարգացման» ծրագրերը: Առաջին ծրագրի շրջանակում պետությունը փոխհատուցում է «խելացի» անասնաշենքերի կառուցում կամ վերակառուցում իրականացրած շահառուների ծախսերը: Երկրորդի դեպքում հնարավորություն է ընձեռվում ընդամենը 2% տարեկան տոկոսադրույքով սուբսիդավորվող վարկով ձեռք բերել բարձր մթերատու տոհմային խոշոր եղջերավոր կենդանիներ:

ՀՀ գյուղատնտեսության նախարարություն

«ԺՈՂՈՎՈՒՐԳ». Անասնաբուծությամբ զբաղվել ցանկացողներին մնում է կարողանալ նպատակային այդ վարկերից օգտվել ու իրենց բիզնեսը զարգացնել:

ԱՇԽԱՏԱՆՔԱՅԻՆ

ՀԱՐՑ. Գործուղման մեկնած աշխատողին քանակաբաշխում է արդյոք սոցիալական փաթեթ:

(Ներսես Կիրակոսյան, 56 տարեկան)



ՊԱՏԱՍԽԱՆ. Սոցիալական փաթեթի գումարը չի հատկացվում առանց աշխատավարձի պահպանման գործուղման մեկնած սոցիալական փաթեթի շահառուներին երեք եւ ավելի ամիս գործուղման մեկնելու ժամանակահատվածի համար: Հիմնական աշխատանքի վայրից այլ աշխատանքի վայր գործուղված սոցիալական փաթեթի շահառուին սոցիալական փաթեթի գումարը հատկացվում է գործուղված աշխատանքի վայրից, եթե վերջինս ընդգրկված է սոցիալական փաթեթից օգտվող հաստատությունների ցանկում, եւ այդ հաստատության կողմից աշխատողին վճարվում է աշխատավարձ: Հիմնական աշխատանքի վայրից այլ աշխատանքի վայր գործուղված սոցիալական փաթեթի շահառուին սոցիալական փաթեթի գումարը հատկացվում է հիմնական աշխատանքի վայրից, եթե գործուղված աշխատանքի վայրն ընդգրկված չէ սոցիալական փաթեթից օգտվող հաստատությունների ցանկում կամ ընդգրկված է, սակայն այդ հաստատության կողմից աշխատողին աշխատավարձ չի վճարվում:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Հայաստանում սոցիալական փաթեթի ներդրումը որոշակի շրջանակների համար աջակցություն էր, սակայն այն ամբողջությամբ չի լուծում խնդիրը:

ԼՈՒՐ ԿԱԴՐ

Լուսանկարը՝ համացանցից



Երեկ պաշտոնապես հաստատվել է, որ Շառլ Ազնավուրի հուշարձանի համար հայտարարված բաց մրցույթում հաղթած արձանն արդեն մասնակերտից վերածվում է մեծ քանդակի: Հուշարձանի բացումը նախատեսվում է 2025թ. մայիսի 22-ին՝ որպես մեծանուն երգչի ծննդյան 100-ամյակին նվիրված միջոցառումների եզրափակիչ արարողություն:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+8 + 13 +19 + 23	Արարատ	+18 + 20 +28 + 30
Կոտայքի լեռներ	+8 + 12 +18 + 21	Արմավիր	+17 + 19 +28 + 30
Կոտայքի նախալեռներ	+16 + 18 +25 + 27	Վայոց ձորի լեռներ	+10 + 12 +18 + 21
Գեղարքունիք	+ 8 + 12 +17 + 20	Վայոց ձորի նախալեռներ	+18 + 20 +28 + 30
Լոռի	+11 + 14 +18 + 21	Սյունիքի հովիտներ	+17 + 21 +23 + 26
Տավուշ	+14 + 18 +20 + 23	Սյունիքի նախալեռներ	+11 + 14 +18 + 21
Արագածոտնի լեռներ	+ 8 + 11 +17 + 20	ԼՂՀ	+12 + 16 +18 + 20
Արագածոտնի նախալեռներ	+16 + 18 +25 + 28	Երեւան	+18 + 20 +30 + 32

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 21.8.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: